

(Oqaatigisat toqqammaviussapput)

Ammaanersiornermi Naalakkersuisut siulittaasuata oqalugiaataanut akissut:

Siullermik Naalakkersuisut siulittaasuat qujanaq Naalakkersuisut sinnerlugin oqalugiuternut. Aningaasanut inatsissatut siunnersuutissi saniatigut una oqalugiaat aamma tikkuussisuuvooq sumut Naalakkersuisut ingerlarusunnerannut.

Qularinngilara tamatta maani issiasugut angorusukkippit inuiaat kalaallit atugarissaartut nukittuut kiffartutissallugit, aammalu maani politikkikut aalajangersakkagut inuiaqatigiinnut iluaqtaasussaallutik atuutilernissaat, taanna demokraatiugutta, atassutaagutta, siumuugutta, inuit ataqtiguugutta naleraagutta uangaluunniit anguniarparput, tamannalu aamma toqqammaveqarpooq ataasiakkaarluta ilisimasaqarnitsinniit. Taamaattumik taakku kattukkutsigit qularinngilara aamma tamanna angusinnaagippit. Tamannalu toqqammavigalugu una oqaaseqaat saqqummiutissuara.

Immitsinnut tusarnaarta:

Asasakka innuttaasut inatsisartoqatikka aammalu Naalakkersuisut, una sakkortuutut isigingussiuk taava neriuupunga aamma imatut paassisagissi killifippit inuiaqatigiinni ilungersunartupilussuuvooq aammalu taamaanneria pillugu ersarissuliortunga, ersarissuliornikkalu tamatta aaqqiiniarnitsinni ilusilersueqataajumaartut. Pissutsit piviusut, inuiaqatigiit kalaallit asagatsigit, kissaammertissinnaavaatigut upperitiguli taamaakkaluartoq aamma anguniaqaqatigiittugut. Suna tamarmi piffissaqarpooq, nersorinniffisatigut nersorinnittarumaarpugut aammali pissutsit erloqinarluinnalerpata oqaatsit ersarissut pisariaqartittartussaavagut, taamaattumik -

Ajornatorsiutit pilersinnerata nalaanisuut eqqarsartariaaseqarluta ajornartorsiutit aaqqissinnaanngilagut – taamatukanneq Ilisimatoorsuaq Albert Einstein ilaatiqut oqariartuuteqarpooq, allatut paasillugu - aaqqiinissaq nutaaliornermik eqqarsartunik aatsaat iluatsissinnaavoq asasakka Naalakkersuisut. Aammalu timitaliineq, oqaatsit kusanartut pinnagit, timitaliineq Naalakkersisooqatigiit tatiginassusaannut toqqammaviliisussaavoq, angallannermullu kiffartuussinissamut isumaqatigiissutit ippasaaninnguaq ilissi atsiukkasi takutiinnarpaat qanoq, qanorluunnit kusanartigisumik oqalukkaluarussi, oqaatsit tamakku qanoq timitalersorniarnerisi takutiinnarpaat. Ajornaqaaq, Naalakkersuisut oqartariaqarpusi iliornissituut, iliortlusilu oqarnissituut. Inuiaqatigiit killiffiat ima ilungersunartigaaq kaasarfigut kaallugit qungujularusaarnissatsinnut kikkullu tamaasa isumaqartinniarsaralugit aaqqitassarpassuit eqqartornaveersaarlutigit namminerisaminnik aaqqikkumaartut. Tunngavissaqarluarpunga taama ersaritsigisumik aallarniuteqassallunga. Taamaattumik inuiaqatigiinni pissutsit piviusut tunngavigalugit aningaasamut inatsisiliortariaqarpusi aammalu taakku ammaanermi oqalugiarnermi oqaassisinnik aamma malitseqartillugit.

Qinikkatut inisisimasuuusugut suliassatta pingarnersaraat inuiaqatigiit kalaallit amerlanerussuteqarluartuisa atugarissaarneruleriartorermik tunngaveqarlutik ulluinnarni inuuneqarnissaat aqqutissiuutissagatsigu

Taamaattumik imatut killifissiuilaarta:

Kalaallit Nunaannili ullutsinni pissutsit qanoq isikkoqarpat? Inuaqatigiinni atugarliortut amerliartuinnarput maannakkullu innuttaasut 75 % missaat (dkk 250.000 ataallugu isertitaqartartut, nunatsinnilu pisisinnaassuseqarneq aallaavigigaanni) imatut inissisimapput:

Pissakittut: 75% miss Akunnattumik isertitaqartartut: ca. 20% Pigissaartut: ca. 5 %

Pissakittut amerliartuinnarput – inuaqatigiinni 75%-it qaangeriinngikkunikkit missaaniippuit, artorsalutik aningaasatigut angummassinnaajunnaarlutik tunniutiinnartut tupinnangitsumik amerliartuinnavippuit, ilaatigullu tamassumap kingunerivaa inuaat tallimararterutaasa nunatsinniit pissutsinit qimarrallutik, atugarliornertik qatsullugu, nunatta avataani nunaqalersimanerannik.

Una tamatta eqqaamassallugu pingaaruteqarpoq – taakkununnga pissakittunut ilaammata SIK-mi ilaasortarpasuit assigisaallu aamma allatulli akileraartarnermikkut nunatta karsianut akilersueqataasut. Nunattalu karsia aqqutigalugu aqutseriaatsimut akilersueqataasut, tassanilu kiffartuussinermut isumaqatigiissutit, il. il..

Ullutsinni Kalaallit Nunaanni ineqarnermut, nerisasanut, oqarasuaatinut internetimut ilumullimi aamma timmisartukkut angallannermi akit taama qaffisitsigitillugit apererusunnarpoq sooq inuaqatigiinni taama amerlatigisut atuinissaminnut akissaaleqinersut? Annertuumik pisooqatalluinnarpoq Nunatsinni pigisat nalillit aqunneqarneri - aqutseriaaserput, kiisalu suliffeqarfiiit inuaqatigiinit pigineqartut aqunneqarnerni.

2013-imi Aningaasanut inatsimmut siunnersummi Aningaasaqarnermut ataatsimiisitalip oqaaseqaataani ilaatigut imatut oqariartortoqarpoq:

“Siorna tamatumalu ukiumi siornatigut aningaasaqarnermut inatsisip isumaqatigiinniutiginerani Aningaasaqarnermut ataatsimiisitalip kiisalu Inuussutissarsiornermut ataatsimiisitalip oqariartutuigat Mantec Aps assut naammangisimaarlugu, tassami Mantec Aps-ip misissuisimanerani paasineqarsimammat Royal Arctic Line A/S pisariillisaanernut pitsanngorsaanerillu 30 mio. Kruunit naliiginik aningaasartuutkillisaataasinnaasut tikkuartormassuk. Ataatsimiisitaliat ingerlaannartumik Naalakkersuisunut kaammattuippuit selskabini allani aamma taamatut sipaaruteqartoqarsinnaanissaa misissuiffigeqqullugu, tassanilu ataatsimiisitaliat selskabit marluk Tele Greenland A/S aamma KNI A/S misissuiffigineqartussatut toqqarpaat. Ataatsimiisitaliat piumasaqaataat Naalakkersuisuniit qanoq timitalernejqarsimanerpa qanorlu inerneqarpa?”

Manna tikillugu tamanna akineqarsimanersoq ilisimangilara, ulluinnarnili inuunitsinni ullut tamaasa inuaat artugaqaleriartuinnarnerata ersersilluarppaa suli tamassuminnga timitaliisoqarsimangitsoq. Tamakkulu isiginngitsuusaarneqarsimammata suli ilungersunarnerusumik ullumikkut killiffeqarpugut. Kisimiillungaluunniit oqassangaluaruma uanga tamanna ingerlatsinersi minnerpaamilluunniit akuersaarnartortaqarttingilara, sulilu ammut sisupiloorneq siunertaralugu ilissi Naalakkersuisut suli assoroorlusi. Taamaattumik ilissinnut saannaga, inuaqatigiit kalaallit sineriassuatsinniittusi saaffigaassi, takoreerparsit Naalakkersuisut tamatsinnut atugarissaarnissamik siunertaqanngittut taamaattumillu naatsorsutigineqarsinnaanngitsut, taamaallaat sullikkusuppaat inuaqatigiinni qaffasinnerpaami inissimasut 10-15%-ii, pigissaarnerpaat.

Isertitatigut assigiinnginnerup annertusiartornerani inuunermi atugassaritaasut ajorsiartortarnerisa aamakku uppernarsaatai, uagullu uku ajornerit akornaniilluta. - pissakittut artukkersunnaavillugit pisuullu pisuunngoriartortiinnaavillugit

<http://inequality.org/inequality-health/>

Nunarsuarmioqatigiit naliginnaaleriartuinnartumik nunap piukkunnassusaanut uuttortaatigileraluttuinnarpaat, qanoq nuna sanngiittortaminut iliuuseqarnersoq. Paattoorneqarsinnaaganngilarlu qanoq innerput, tassami tunngavissaqaqluarpuugut ingerlatseriaasitsitta Nottinghamip Sheriffianut assersuussinnaagatsigu – tassalu pissakittunik aalleriarluta pigissaartunut tunniussisarluta nunarput ingerlakkatsigu. Tamannalu akuersaardeqarsinnaanngilaq allangortariaqalerporlu.

Avataaniit aningaasaliineq....

Oqaatsit taakku oqissorinartut ukiuni kingullerni naliginnaaleriartuinnartut ila qanormita isumaqarpat? Tassami Naalakkersuisut annertusiartuinnartumik atorpaat sorpassuarnut, aamma inuussutissarsiornikkut siuarsaaninerminni, imatullu isumaqalersitsiniarsaralutik, tassa akeqanngittorsuarmik aningaasaliiffigerpaatigut. Kisianni pissutsit taamaavinngillat, suungluartunulluunniit, nunaqarfinni takornariarnermi siuarsaanerni "avataaniit" aningaasaliineruppat, mittarfiliornissanut aningaasaliineruppat, allanulluunniit aningaasaliineruppat IMAANNGILAQ akeqanngittumik inussiarnisaarnermik aningaasaliissutaasut, kisiannili naatsorsuutigineqartariaqartoq taakku "avataaniit aningaasaliissutit" soorunami ernialerlugit iluanaarutigisassangorlugit nunatsinnut taarsigassiissutaasut. Taamaattumik kalaaleqat, oqaseq taanna tusaraangakku mianersorluaqqinnaarnissarnik eqqarsarluaqqinnaarnissarnillu tunngaviliisariaqarpoq. Pissutsimmi piviusut nunatsinni imaapput akiliisussat - kalaallit ILLIT uangalu inuaqatigijit tamattaasugut, nunaqarfimmiuugutta sumiluunniit illoqarfimmiuuguttaluunniit makku "avataaniit aningaasaliinerit" akilertussaavagut, annernarpaasussaavorlu kalaaleqatitsinni pissakinnerpaanut. Taakkulu ajoraluaqqinnaartumik nunatsinni aqutsinerlunnerujussuaq pissutigalugu 70% sinnereernikuuaat, allatut paasillugu, inuit sisamaagaangata pingasut pissakittuusarput, avataaniillu aningaasalersornerup pissutsit aaqqinnagit suli pissakinnerulersiinnartussaanerat naatsorsuutigisariaqarparput, tassa pissutsit piviusut.

<http://www.vg.no/nyheter/utenriks/oljelandet-norge/norske-selskaper-tjener-milliarder-i-angola-ett-av-verdens-mest-korrupte-land/a/23556706/>

Taamaattumik asasakka inatsisartoqatikka Naalakkersuisullu oqaatsikka ersarikkaluarpatluunniit pissutsinik ersersitsiinnarmata iliuuseqarfitingit, iliuuseqarta innuttaasut ilorraap tungaanut tigussaasumik malugisinnaasaannik aqutissiuinikkut.

Ulluinnatsinnilu sorparpassuit taamaattussaannartut isigelernikuugatsigit piffissaq sivitsoriartuinnartillugu tamakku iluarsiiffiginissaat artornarsiortuldersarpoq, nutaaliortariaqarpugut, iliuuseqartariaqarpugut, massakkut aqaguunngitsoq.

Tassanilu pingaaruteqarluinnaaqissaarpoq kalaallip nunamini ineriartitsinermi isiginnaartuujunnaarluni peqataalluni ineriartitsisoqarnissaa, allatut paasillugu kalaallit nunaminni ineriartornermi aningaasaliinissaminut uagut aqutissiuussisariaqarpugut taamaasilluta qulakteerniartariaqaratsigu

aninaasat nunatsinni iluaqutaanissaat, taakkuunnaanngitsorli, aammali tassani qulakkeerlugu qaammaasat misilitakkallu nunatsinni annertusiartortuarnissat.

Imeq sermerlu:

Taamaattumik qulaani oqariartuutikka tunaartalarugit qulakkeerniartariaqarparput nunarsuarmi annertusiartuinnaavissumik amigaataaleriartortup, tassalu imeq mingukinnerpaaq annertooq avammut tunisassiarinerani piginneqataassutsikkut minnerpaamik annertuumik, ajornanngippat minnerpaamik affaanik piginnittuunissaq qulakkeertariaqaratsigu. Imeq naassaanngiusartoq pisuussutigaarput Naalagaaffiillu Peqatigiit imermik pisariaqartitsinerup misissuiffiginerata kingulliup upternarsisippaa ukioq 2025-mi inuit nunarsuami imermik pisariaqartitsilluinnartut miliarti sinnereersimasussaaga. Nunarsuarmioqatigijit 7 miliartit sinningaatisareerpaat tassani imermik pisariaqartitsileriartuinnarnerup annikillisinnaviangikkaa takusinnaavarput soorlu aamma aatsitassat tungaatigut taamaaleriartorumarta. Tassani pingarutilerujuuvoq paasilluassallugu tamakkuningga pisuussutitsinnik aningaasaliineq siunissamut ileqqaarnertut isiginissa pingarutilerujussusoq, kinguaagut pillugit maannagaaq iliulertariaqarpugut, nunammi allap ikiornavianngilaatigut, nammineruna qulakkeerniartussaagipput.

Nalunngilara aamma qinnarineqarsinnaasoq nunatta inuussutissarsornikkut ineriertortinnejarnera nunamut Angolamut assersuukkaagakku, tassami nuna Angola uagutsituulli nuna pisuussutinik umaatsunik qalaarpoq, nunarsuarmi aatsisassatigut pisuussuteqarnerpaat ilagaat, taamaakkaluartorli inui nunarsuarmi piitsuunerpaat ajoraluartumik ilagaat, avataaniit piginnittut killeqanngiusartumik ammaaffigalugit imminut kiffakuluinnartut inissinnikuugamik, nunallu inui ikittuaraararsuit kisiisa annertuupilussuarmik pisuungortinnissaanik aqqutissiuussillutik, tamanna akuersaarnartutinngikkutsigu taava maannagaaq iliuutsigut allangortittariaqarpagut. Angolatuulli pisuussutinik qalaarpugut uagullu qinikkat qulakkeerniartariaqakkatta pingarnersaraat pisuussutitta taakku inuaat pigisaat aamma inuaat kalaallit iluanaarfigissagaat, kinnganikorsiunnaratik.

Angolami “ineriertorneq” taaneqartarpoq nunasiaateqariaaseq nutaatut, aammalu tamanna ilisimatuup Robert Petersenip nunarput pillugu 1992-mili eqqartortarlugu aallartereerpaa (8th Inuit Studies Conference at Laval University, October 25, 1992), aammalu Ilisimatuup nunarsuarmi tusaamasaasup Noam Chomsky-p nunasiaateqariaatsip nutaatut nassuaaneranut naapertuulluni. Qularinnginnakkulu inatsisartut kikkuungaluaruttaluuunniit Naalakkersuisuungaluaruttaluuunniit nunatsinni atuutileriartortutut suliniutigineqassanngittooq, taamaattumik peqatigiilluta iliuutsigut massakkut allangortittariaqarpagut.

Ilinniartitaaneq

Peqqinnissaqarfik

Isumaginninneq

Tunngaviusumik inatsisissaq

Tunngaviusumik inatsisiliornissamik aalajangiiffigisassatut inatsisartuni ilaasortat pingasuulluta –Aqqaluaq B Egede, Jens Immanuelsen uangalu Per Rosing-Petersen siunnersuuteqaratta inatsisartuni ilaasortaasuni 31-iusuni amerlanerussuteqarluartut 25-it siunnersuutigut taperserlugit akuerseqataapput, taamaattumik siunnersuuteqataasutut pingaruteqarluinnartutu isigaara ukioq manna ataatsimiinnermi

ataatsimiitaliarsuup pilersinnissaa naammassisariaqartoq, taakkulu sulillutik innuttaasut peqataatilluinnarlugit, aallartittariaqartut.

Taama tamakkiisuunngikkaluamik Naalakkersuisut qutsavigeqqillugit ammaanermi oqaaseqaataat oqaaseqarfigaara, unalu uteqqillara, suleqataarusuppunga, tamannalu tunngavigalugu kaammattueqqippunga inuaat killiffiat ilungersunarmat siuttuunerit takutiguk, assasi Naalakkersuisut isaassigit makkulu timitalerlugin aaqqissortigit, innuttaasut pillugit

Qujanaq